



**TERMA DAN SYARAT BAGI BSN MYFIRST / BSN SMART JUNIOR**  
(Tarikh Efektif : 01/01/2024)

**BAHAGIAN A – TERMA DAN SYARAT AM**

**1. Permohonan**

- 1.1. Pelanggan perlu mempunyai akaun simpanan BSN (Amanah) untuk layak menyertai keahlian BSN MyFirst dan akaun simpanan BSN (Individu) untuk keahlian BSN Smart Junior (“BSJ”).
- 1.2. Permohonan keahlian BSN MyFirst / BSJ hendaklah dibuat melalui borang permohonan yang ditetapkan yang perlu dilengkapkan dan ditandatangani oleh pemohon / ibu / bapa / penjaga sah.

**2. Deposit and Pengeluaran**

- 2.1. Pelanggan hendaklah membuat deposit minimum permulaan seperti yang ditetapkan oleh pihak BSN.
- 2.2. Pelanggan hanya dibenarkan untuk membuat pengeluaran sekali dalam sebulan daripada jumlah baki simpanan semasa dan tertakluk kepada baki minimum yang ditentukan oleh BSN dari semasa ke semasa.

**3. Perubahan butiran Pelanggan**

- 3.1. Pelanggan hendaklah dengan segera memaklumkan pihak Bank sebarang pertukaran alamat, nombor untuk dihubungi, penandatanganan yang dibenarkan atau butiran lain dengan mengunjungi Cawangan Bank, sekiranya gagal, pihak Bank berhak untuk bergantung kepada butiran terakhir yang diketahui di dalam rekod Bank.

**4. Lain-lain terma dan syarat**

- 4.1. Dengan menyertai BSN MyFirst / BSJ, pelanggan bersetuju:-
  - a) Untuk terikat dengan Terma dan Syarat yang dinyatakan di sini, Terma dan Syarat Akaun Simpanan BSN / Akaun Simpanan Islamik BSN serta mana-mana Terma dan Syarat berkaitan yang dikenakan oleh BSN dari semasa ke semasa yang boleh didapati di [www.bsn.com.my](http://www.bsn.com.my) (Laman Web BSN).
  - b) Untuk mengakses Laman Web BSN secara berkala untuk memastikan pelanggan sentiasa dikemaskini dengan apa-apa perubahan atau pindaan yang dibuat kepada Terma dan Syarat.
  - c) Membenarkan butiran peribadi pelanggan termasuk dan tidak terhad kepada data peribadi atau maklumat dikumpulkan, diproses dan digunakan oleh BSN untuk tujuan BSN MyFirst / BSJ. Pelanggan juga bersetuju untuk terikat dengan Klausa Pendedahan Maklumat dan Data Peribadi Pelanggan sepertimana yang terkandung dalam Terma dan Syarat Akaun Simpanan BSN / Akaun Simpanan Islamik BSN serta Polisi Privasi yang boleh diakses di laman web Bank [www.bsn.com.my](http://www.bsn.com.my).
  - d) BSN berhak mengubah, menghapus, menambah atau meminda mana-mana Terma dan Syarat yang terkandung di sini, secara keseluruhan atau sebahagiannya, dengan memberi notis minimum sekurang-kurangnya 21 hari kalendar. BSN boleh memberikan notis atau komunikasi kepada pelanggan dengan menyiarkannya di Laman Web BSN dan/atau cawangan BSN, melalui pos, melalui pemberitahuan di media massa, melalui penghantaran secara elektronik atau sebarang kaedah lain yang dianggap sesuai oleh BSN.
  - e) Sekiranya terdapat percanggahan di antara Terma dan Syarat dengan bahan pengiklanan, promosi, publisiti dan bahan-bahan lain yang berkaitan atau berhubung dengan BSN MyFirst / BSJ, Terma dan Syarat terkini di Laman Web BSN akan diutamakan.
  - f) Terma dan Syarat ini adalah ditadbir oleh dan ditafsirkan selaras dengan undang-undang Malaysia dan tertakluk kepada bidang kuasa eksklusif Mahkamah Malaysia.

**BAHAGIAN B – TERMA DAN SYARAT KHUSUS**

**BSN MYFIRST**

**1. Kelayakan**

- 1.1. Kanak-kanak berumur satu (1) hari sehingga di bawah tujuh (7) tahun adalah layak untuk membuka BSN MyFirst bersama ibu / bapa / penjaga sah yang berumur lapan belas (18) tahun ke atas.

## **2. Penamatan**

2.1 Penamatan dibenarkan atas permintaan pelanggan selepas satu (1) tahun mendaftar dengan melengkapkan borang penamatan seperti yang dinyatakan oleh BSN.

## **3. Kanak-kanak mencapai umur 7 tahun**

3.1. BSN Myfirst akan ditukarkan kepada keahlian BSJ apabila kanak-kanak telah mencapai umur tujuh (7) tahun dan akaun pelanggan akan kekal di bawah akaun amanah.

3.2. Pelanggan akan ditadbir di bawah Terma dan Syarat BSJ dan mana-mana Terma dan Syarat berkaitan yang ditetapkan oleh BSN.

3.3. Pelanggan boleh atas permintaan untuk menukar akaun Amanah kepada akaun Individu di mana-mana Cawangan BSN dan akan tertakluk kepada Terma dan Syarat yang mentadbir pembukaan akaun seperti yang ditentukan oleh BSN dari semasa ke semasa.

3.4. Pelanggan perlu mengemaskini maklumat persekolahan seperti nama sekolah, alamat sekolah atau sebarang maklumat yang berkaitan di mana-mana Cawangan BSN.

## **BSN SMART JUNIOR (BSJ)**

### **1. Kelayakan**

1.1. Semua warganegara Malaysia berumur di antara tujuh (7) sehingga dua puluh (20) tahun adalah layak untuk menyertai BSJ ("Ahli BSJ").

### **2. Amaun pembekuan**

2.1. Amaun simpanan minimum akan dibekukan oleh BSN sehingga Ahli BSJ mencapai umur 21 tahun atau ketika penamatan keahlian BSJ.

### **3. Penamatan keahlian BSJ**

3.1. Keahlian BSJ boleh ditamatkan berdasarkan kepada keadaan berikut:-

a) Atas permintaan Ahli BSJ selepas satu (1) tahun menjadi ahli BSJ;

b) Apabila Ahli BSJ telah mencapai umur 21 tahun di mana keahlian akan ditamatkan secara automatik.

3.2. Ahli BSJ hendaklah melengkapkan borang penamatan ahli dan bagi Ahli BSJ yang berumur di bawah 18 tahun, borang penamatan hendaklah ditandatangani oleh ibu / bapa / penjaga sah.

3.3. Ketika penamatan keahlian BSJ, kadar pulangan bagi Ahli BSJ akan ditukar secara automatik kepada kadar pulangan akaun simpanan BSN yang normal.